

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

1. प्रधानमंत्री नरेन्द्र मोदी होर अज्ज बडलै 11 बजे आकाशवाणी थमां “मन की बात” कार्यक्रम च अपने बचार सांझे करगंन।
2. जम्मू कश्मीर दिएं उप्परलिएं धारें पर ताजा बर्फबारी, हल्की बरखा कन्नै मैदानी इलाकें च ठंडी बध ीते मौसम विभाग नै 25 थमां 30 नवम्बर तगर मौसम दे खुश्क बने रौहने दी पेशगोई कीती।
3. संसद दे स्याले आले इजलास शा पैहले सरकारै अज्ज नमीं दिल्ली च सर्वदलीय बैठक सददी ऐ।
4. गोवा च लग्गे दे भारतीय अंतर्राष्ट्रीय फिल्म महोत्सव च जम्मू कश्मीर दे सूचना निदेशक होरें आखेआ जे जम्मू कश्मीर फिल्मकारें लेई बड्डे स्तरे पर बदलाव आन्नने आला साबत होग।

<><><><><><>

PM-Man Ki Baat

प्रधानमंत्री नरेन्द्र मोदी होर अज्ज आकाशवाणी पर “मन की बात” कार्यक्रम राएं देश ते विदेश दे लोकें कन्नै अपने बचार सांझे करगंन। एह इस म्हीने रेडियो कार्यक्रम दी 116मीं किश्त होग। एह कार्यक्रम आकाशवाणी ते दूरदर्शन दे समूलचे नेटवर्क उप्पर ए.आई.आर दी वैबसाइट उप्पर ते न्यूज़ ऑन एयर मोबाइल ऐप उप्पर प्रसारत कीता जाग। एहदे इलावा एयर न्यूज़, डीडी न्यूज़, पीएमओ ते सूचना ते प्रसारण मंत्रालय दे यूट्यूब चैनलें उप्पर बी सिद्धा प्रसारण कीता जाग। आकाशवाणी दे इस कार्यक्रम गी हिंदी प्रसारण दे तुरत मगरा क्षेत्रीय भाषाएं च बी प्रसारत कीता जाग। बडलै 11 बजे होने आले मन की बात दे हिंदी प्रसारण दे तुरत मगरा एहदा डोगरी च अनुवाद प्रसारत रातीं 8 बजे बी कीता जाग। आकाशवाणी दा क्षेत्रीय समाचार एकांश जम्मू “मन की बात” पर इक परिचर्चा कल रातीं सांझे 10 बजे करोग।

<><><><><><>

Weather

जम्मू कश्मीर दिएं उच्चिएं धारें पर ताजा बर्फबारी होई ऐ। जिसलै कि मैदानी इलाकें च हल्की बरखा पेई ऐ। मशहू सैलानी थाहरें जियां सोनामर्ग, गुलमर्ग ते जम्मू खित्ते दी उच्चिएं धारें पर हल्की बर्फबारी होई ऐ। एहदे

अलावा पीर पंचाल रेंज, सिंथन टॉप, कैलाश हिल, जोजिला, गुरेज ते साधना टॉप पर बी बर्फबारी होने दियां खबरां थोइयां न। घाटी च ताजा बर्फबारी ते हल्की बरखा करी तापमान च किश गिरावट दर्ज कीती गई ऐ। जम्मू खित्ते दे मैदानी इलाकें च हल्की बरखा होई ऐ। मोसम विभाग नै 24 नवम्बर गी गासै पर बददल छाए रौहने दी पेशगोई कीती ऐ ते किश थाहरें पर हल्की बरखा ते बर्फबारी होई सकदी ऐ। 25 थमां 30 नवम्बर तगर मौसम खुशकगै बने दा रौहग। 30 नवम्बर रातीं थमां मौसम च बदलाव होई सकदा ऐ। इस दरान उच्चिएं धारें पर हल्की बरखा ते बर्फबारी होई सकदी ऐ। एह्दे मगरा 2 थमां 5 दिसम्बर तगर मौसम फही खुशक गै रौहग। जम्मू शैहरे च कल घट्टोघट्ट तापमान 12.4 डिग्री सैल्सियस, कटरा च 11.1, बटोत च 6.5, बनिहाल च 5.2 ते भद्रवाह च 3.2 डिग्री सैल्सियस दर्ज कीता गेआ।

<><><><><><>

CM Omar J&K Day

मुख्यमंत्री उमर अब्दुल्ला होरें मुख्य भरै दे लोकें गी अपील कीती ऐ जे ओह जम्मू कश्मीर दी सुंदरता ते मेहमानबाजी दा लुत्फ लैने नमीं दिल्ली दे प्रगति मैदान च भारत मंडपम च आयोजित बपार कारोबार सरबंधी इंडिया इंटरनेशनल ट्रेड फेयर च जेएंडके डे सैलीब्रेशन कार्यक्रम गी संबोधत करदे होई मुख्यमंत्री होरें आखेआ जे सब्बने प्रतिभागिएं गी गर्मिएं च जम्मू कश्मीर औने लेई गलाया। उनें आखेआ जे जिसलै पूरे मुख्ये च गर्मीहोंदी ऐ तां लोक इत्थें आइयै इत्थुआं दे कुदरती नजारें ते सुहावने मौसम दा नंद लेई सकदे न। उनें आम लोकें गी श्री माता वैष्णो देवी च मत्था टेकने लेई ओने आस्तै बी साददा दित्ता। अपने संबोधन च मुख्यमंत्री होरें खित्ते दी सांस्कृतिक ते आर्थिक समृद्धि गी उजागर कीता। उनें सब्बनें गी पविलियन दा दौरा लाने लेई गलाया तां जे जम्मू कश्मीर दे कलाकारें ते उद्यमिएं गी लाह थोई सकै।

<><><><><><>

LG Award

उपराज्यपाल मनोज सिन्हा होरें मशहूर योग गुरु ते विवेकानंद योग अनुसंधान संस्थान दे प्रधान डॉ. एच.आर. नागेन्द्र ते मन्ने परमन्ने दे लखारी, कवि ते चित्रकार प्रो. अशोक चक्रधर होरें गी पंडित हरिदत्त शर्मा पुरस्कार प्रदान कीता। इस मौके बोलदे होई बी सिन्हा आखेआ जे डॉ. नागेन्द्र इक टकोह्दे योग गुरु, हुनरमंद इंजीनियर ते योग दे इक बेमिसाल शोधकर्ता न, जिनें मनुक्खता दी भलाई बेहतरी ते कल्याण गी जकीनी बनाने लेई भारत दे इस प्राचीन तोहफे गी दुनिया च बढ़ावा देने च मदाद कीती ऐ। मशहूर पत्रकार, लखारी ते समाजी कार्यकर्ता पंडित हरिदत्त शर्मा होरें गी श्रद्धांजलि दिंदे होई उपराज्यपाल होरें साहित्यकारें, कविएं, कलाकारें ते होरनें गी आखेआ जे ओ पंडित हरिदत्त शर्मा होरें गी दित्ते जाने आली श्रद्धांजलि दे तौरा पर 4 संकल्प लैने दा आह्वान कीता।

<><><><><><>

JK Fisheries

जम्मू कश्मीर दे मच्छी पालन मैहकमे नै केन्द्र शासत प्रदेश च मच्छी पालन ते पानी कन्नै जुड़े दे जीव जंतुएं दे पाजन च विकास गी बढ़ावा उेने आले दऊ राष्ट्रीय पुरस्कार जित्ते न। मैहकमे नै मच्छी पालन क्षेत्र च टकोह्दे योगदान लेई बेह्तरनीन केन्द्र शासत प्रदेश पुरस्कार जित्तिथै मानता हासल कीती जे कुलगाम गी बेह्तरनीन केन्द्र शासत प्रदेश जिला कन्नै सम्मानत कीता गेआ। केन्द्री मच्छी पालन, पशु पालन ते डेयरी मंत्री राजीव सिंह आस्सेआ दित्ते गेदे पुरस्कार 21 नवम्बर गी विश्व मच्छी पालन दिवस दे मौके पर नमीं दिल्ली च नगे दे इक शानदार समारोह च प्रदेश दे मच्छी पालन मैहकमे दे निदेशक अब्बू माजद टाक होरें हासल कीते।

<><><><><><>

OGW Rajouri

राजौरी जिले च आतंकवादिएं लेई कम्म करने आले इक ओवर ग्राउंड वर्कर गी जन सुरक्षा कनून तैहत हिरासत च लैता गेआ ऐ। एह्दी नंछान द्रहाल दे जजोते लींदर ग्रां दे रौहने आले अब्दुल क्यूम उर्फ पंजाबी दे तौर पर होई ऐ। एह्दे पर पीएसए लाइयै इसी जेल भेजी दित्ता गेआ ऐ। तां जे ओह् राष्ट्र विरोधी गतिविधिएं पर नकेल कस्सी जाई सकै। पुलस प्रवक्ता नै दस्सेआ ऐ जे क्यूम पर नौशेहरा पुलस थाने च केई सारे अपराधिक मामले दर्ज न। ओदियां राष्ट्र विरोधी ते अपराधिक गतिविधियां आंतरिक सुरक्षा, शांति लेई खतरा बनी गेदियां हियां।

<><><><><><>

All Party Meet

संसद दे सयाले आले इजलास कोला पैहले सरकार अज्ज सब्बने पार्टिएं दी इक बैठक लोआ करदी ऐ। रक्षा मंत्री राजनाथ सिंह होर इस बैठक दी प्रधानता करगंन। इस बैठक च सरकार संसद दे इजलास दरान लोकसभा ते राज्यसभा दे कम्मकाज गी रमानदारी कन्ने चलाने बारे सब्बने पार्टिएं थमां समर्थन मंगगन। सेयाले आला इजलास कल शुरू होआ कदा ऐ ते एह् 20 दिसम्बर तोड़ी चलग। उआं 26 नवम्बर गी संविधान दिवस मनाए जाने दे चलदे पार्लियमेंट दी बैठक नेई होग।

<><><><><><>

IFFI

गोवा च 55में अंतर्राष्ट्रीय फिल्म महोत्सव आईएफएफआई च नोजवानें खरी मती गिनतरी च हिस्सा लै'रदे न। इस ब'रे एहदा विशेसार ऐ युवा फिल्म निर्माता भविष्य हुन ऐ। क्रेटिव माइंडस ऑफ टूमारो ते बैस्ट डैब्यू डायरेक्टर जनेह युवा केन्द्रित आयोजन दे अलावा सरकारे इस दरान मुख्य भरै थमां 4 सौ थमां बद्ध युवा फिल्म विद्यार्थिएं दी हिस्सेदारी जकीनी कीती ऐ। अरुणचल प्रदेश थतां प्रतिभागी ते उभरदी फिल्म निर्माता ईमा होरें मौके उपलब्ध करोआने आस्तै आभार प्रगट कीता ते आखेआ जे आईएफएफआई च दस्सी जा'रदिएं फिल्में थमां ओह प्रेरित होइयां न ते उन्हें मेद जाहर कीती जे अगले ब'रे इस महोत्सव च उंदी फिल्म बी चुनी ते दस्सी जाग। जम्मू कश्मीर दी फिल्म नीति 2024 गी होर बढ़ावा देने ते एहदे प्रचार प्रसार दे मकसद कन्नै 55में भारत अंतर्राष्ट्रीय महोत्सव च जम्मू कश्मीर पविलियन बी कायम कीता गेआ ऐ। इस महोत्सव दी शुरुअरत गोवा दे मुख्यमंत्री प्रमोद सावंत ते सूचना ते प्रसारण सचिव सेजय जाजू होरें कीती।

<><><><><><>

Sericulture

जम्मू कश्मीर दे रेशम उत्पादन विकास मैहकमे दे निदेशक एजाज अहमद भट्ट हुंदी कुशल नुमायंदगी ते मैहकमे च जम्मू दे अतिरिक्त निदेशक अश्वनी कुमार शर्मा हुंदे निदेशक च रेशम उत्पादन विकास मैहकमा जम्मू कयमी नै राश्ट्रीय कृषि शिखर सम्मेलन 2024 च बेहतरीन सरकारी स्टाल लाने दा त्रीया पुरस्कार जित्तेआ। एह सम्मेलन 20 नवम्बर थमां अज्ज 24 नवम्बर तगर स्कास्ट जम्मू चट्ठा च आयोजित कीता जा'रदा ऐ। एहदे च नेके उद्यमिएं सनें कृषि ते एहदे कन्नै जुड़े दे बक्ख-बक्ख मैहकमे पास्सेआ 250 शा बद्ध स्टाल लाए गेदे न। मैहकमे पास्सेआ खडेरी गेदी कमेटी जिने रेशम उत्पादन स्टाल कन्नै जुड़ी दिएं तैआरिएं गी अंजाम दित्ता ते सम्मेलन च इंदी दिक्ख रिक्ख कीती, उंदे च डीएसडी तम्मू कविता शर्मा, फार्मप्रबंधक संजय रोहमेत्रा, रियाज अहमद ते मोनिका स्लाथिया ते इंसपेक्टर राजिन्द्र खजूरिया शामिल ऐ।

<><><><><><>

DC Doda

डोडा दे डीसी हरविंदर सिंह होरें पर्यावरण दी सांभ सम्भाल ते बुनियादी ढांचे बश्कार बरोबरी बनाए रखने दी लोड़ पर कल जोर पाया। ओ चनाब सर्कल दे कन्सवेटर संदीप कुमार हुंदी नुमायंदगी च जंगलात मैहकमे दे अफसरें ते जिला प्रशासन दे ओहदेदारें कन्नै लग्गी दी इक बैठक दी प्रधानता करा करदे हे। डीसी होरें सब्बने सरबंघत अधिकारिएं गी जंगलात मंजूरी दे मामले च तेजी आनने दे निर्देश जारी कीते जाने परियोजनाएं गी बेने सिर तोड़ चाढ़ेया जाई सकै।

<><><><><><>

DC Rajouri

शादरा शरीफ थमां रेइयै सोहरा ब्रिज रोड तगर पेई दी घअिया मयार दी लुक आले सोशल मीडिया पर चला'रदे इक वीडियो पर आपु दखल दिंदे होई राजौरी दे डीसी अभिषेक शर्मा होरें कल मौके पर जाइयै जांच कीती जिस दरान उनें शिड़कै दी स्थिति दा जायजा ते पाई गेदी लुक दे मयार दी समीक्षा कीती। कमिएं खामिएं पर वैंता प्रगट करदे होई उनें सरबंघत मैह्कमे गी तभें दा पता लाने ते जिम्मेदारी तैह् करने आस्तै जांच गी तुरत रंभ करने दे निर्देश जारी कीते।

<><><><><><>

IPL

इंडियन प्रीमियर लीग आईपीएल 2024 लेई सऊदी अरब दे जेद्दा च अज्ज ते कल नीलामी होग। एी उपरोतली दूआ ब'रा ऐ जिसलै नीलामी विदेश च आयोजित कीती जा करदी ऐ। आईपीएल 2024 आले नीलामी दुबई च आयोजित कीती गेई ही। 1165 भारतीय ते 409 विदेशी खडारिएं सनें कुल 1574 खडारिएं नीलामी आस्तै अपनी सैह्मति दित्ती ऐ। हर फ्रेंचाइजी बद्ध शा बद्ध 25 खडारिएं दी इक टीम बनाई सकदी ऐ। नीलामी थमां 204 स्लाट हासल कीते जाई सकगंन। इनें स्लाटस पर खर्च करने लेई 10 फ्रेंचाइजीएं कश तकरीबन 641 करोड़ 50 लक्ख रुपे होंगन।

<><><><><><>